



21931

kalend.

III

Mag. St. Dr.

P

i. laus

Collegii Scholar. Piar. Colores
Lunae Moravigenae.

PANEG. et VITAE


Polon. Fol.

№ 792.

Biblioteka Jagiellońska



stdr0004653



25

COLORES

LUNÆ MORSZTYNÆ

PALLIDUS ex laboribus in Rempubl: impensis.
RUBICUNDUS ex Bellorum stragibus inspersus.
ALBUS in Candidatis ad quosvis Honores expressus, juxta Pœtæ dictum: Pallida Luna pluit, rubicunda flat, alba serenat.

ƒ x.

ILLUSTRISSIMO DOMINO D. STANISLAO

DE RACIBORSKO

MORSZTYN

Castellano Czernensi, Colonello S. R. M.
EXPRESSI

ET

Ad auspiciatissimam Castellaniæ Czernensis
possessionem ad ipsumq; ejusdem Curulis
Senatoriæ ingressum

A

Regio Vladislai IV. Scholarum Piarum Varfaviensi
Collegio, & cultu & calamo panegyrico

DE PICTI.

Anno Dñi Candidi & Rubicundi 1687.

VARSAVIÆ,

Typis Collegij Scholarum Piarum.



21.931

Haftenus & bobus pigris, & curribus ibat
LUNA; coronatis sed TUA perget equis.
Sideræ tardas pecudes junxere poetæ,
Pegase MORSZTYNIAM iunctus honore vehes.
Quatenus ad reliquos citius veniatur honores,
Pegase S T E L L A tibi subdita calcar erit.



PRÆFATIO

A D

ILLUSTRISSIMUM DOMINUM

Castellanum Cernensem.



ælum se cum pagina
manui Tvæ infinuat,
malletq; MORSZTYNI
ANAE LVNAE COLORES
quàm ferre fidera. ILLVSTRIS-
SIME DOMINE. Fatigavit olim
pondere suo Atlantis verticem
ut Herculis portaretur dexte-
râ, nunc etiam impressos char-
tæ SPLENDORES invidet, Tuis
ambiens gestari manibus. Ma-
lis tamen GENTILITIAE LVNAE
domesticum tenere coelum in
quod

quod se brevis extenuat pagi-
na, quæ ab hac COLORVM ex-
canduit luce, postquam TIBI
byssum texuere merita. Illu-
stri quidem LVNAE TVAE splen-
dori tenebras noctes appin-
gunt Atticæ, datq; huic colori
quas gignit umbras civilis Aca-
demus: illud tamen fatis scite
deprecans, quin pereunte men-
sium innumerâ ferie Luna Tua
funestum ignoret occasum.

Ita curvet

JLLUSTRISSIMO TUO NOMINI.

Devotissimum

Collegium Varfaviense

SCHOLARVM PIARVM.

LUNA palatinis obducit cornua vittis,
Sarmaticasq; novo irradiat fulgore curules.
Undiq; Morosztynio riguus micat ignis ab astro,
Lux fecunda operum, melioribus edita fatis
Nascitur, augurijs plenum, jubar omine plenum.
Hic proceres, equites hic, magno hic agmine vulgus
Ingeminant properata novi compendia voti,
Spargit & ex omni praeconia colligit ævo
Fama, per & populos volitat mundi; recessus
Erecto clangore tubæ. Virtus incendia magnæ
Mentis ad ingenuos Mavortia fuscitat ignes;
Ipsaq; se narrat vulgo, se prædicat Orbi.
Vistuleis super hæc proserpit Triton arenis,
Littoribus pompâ percussis applicat aures,
Festivos populi lusus juvat ære canoro.
Profilit ipsa Thetys madido experrecta cubili
Concentusq; docet famulas depromere Nymphas:
Diffusæ læto celebrant in margine festum;
Pars choreas ducunt hilares, pars carmina scribunt,
Votaq; littoribus, memoriq; notantur arenâ:
Fulgida perpetuo Lechiæ Cynosura sereno
Objectis nunquã MORSZTYNIA LUNA tenebris
Victa, repurgatis cœlo dominantibus Austris,
Taliter in nitido vultu depinge colores,
Qualibus & Phæbus nubes non pingit opacas.
Tu quoties nostro flammis accendis Olympo,
Æmula Bistonio tenuatur Cynthia vultu,
Cumq; Tuam pleno vidisset Sidere LUNAM,
Decrevit tumidis excors Othomanus in astris,
Exortum spectare diem, quem sparseris Orbi,
Detrectat: nimium cui propria LUNA pudori.
At Tuus erubuit nunquam nisi Marte PLANETA
Sangvineo, meritis plaudit cûi tota triumphis
Lechia; MORSZTYNIũ omni sonat æthere nomẽ
Victoremq; heroa canit.

ELOGIUM PRIMUM

Pallida Luna pluit.

IN LITERARVM STVDIIS, & CVRA CIRCÀ BONVM REIP.

Pleno radiantem lumine MORSZTYNIAM HECATEN,
Et vel nativo jubare coruscam,
Vel Senatoria fulgentem in trabea,
Utrobiq; Illustrissimam;

Tantæ luci inassveta primo intuitu spectare nequijt pupilla.
Vnde vix attenuato splendore pallentem primâ acie intueri sustinet;
Amplius deinceps ausurac

Vbi ad tenuiùs nictantē radiū spectatricē exercuerit palpebrā.

Nec probrosum id Cynthiæ,
si pallore squallentem orbi exhibeat faciem;
nunquam sinē benigno influxu conspiciendam!
Et certè gaudet ad eam benefici planetæ speciem tellus;
certa, tunc eum vel maximè suis timere malis,
cū plurimū expalluerit.

Nec id absq; venturæ propediē felicitatis indicio,
quippe tunc commodo orbis ipsum cœlum
cogitur insudare.

De hinc intensiori palloris gradu enerves metiri vires
fallax esto mensura;

cū non semper labentis in deliquia naturæ index sit,
at sæpius solcito labori color hic natus.

Apage erubescende rubor!

voluptuosiori pasto fagina

& ad Epicuri haram damnato gregi propri

Nescit ejusmodi miniari purpurisso experfecti vigoris indoles,
nisi exprimere pudorem velit.

Ingloria equidem cerussa,

quæ pingere alia nesciat

præterquam erubescenda.

Imò

Fucus hic plerumq; verecundiæ est non color;
Sæpius hac purpurâ infames mendici animi male teguntur lacinia

pluri

plurimiq; tunc cum maxime erubuerint, minime verecundi;
quasi omnem ingenas effudissent verecundiam.

Tibi ILLUSTRISIME DOMINE

impallefcere libris,

solers sciendi cupido fecit ingenitum

Mortuos in familiaris evocare consortium.

(posthumas eruditorum, è sēsu Aragonij Principis intelligi velim lucubrationes)

voluptuosissima Tibi consuetudo :

& quidni concolorem ijs indueres vultum?

Nusquā magis deliciari visa Atheniēsis noctua,

quā ad Patritiam Tuam LVNAM.

Cui Tu ad nativos splendores non exiguam affundis lucem

è pervigili Cleanthis lucerna :

non indecorā certē luminum permixtione;

quod non minùs alendæ luci materiam ministret oleum,

quā ceræ.

Vnitum Gentilitio Tuo PLANETÆ fidus

frustra quæsito compellaverit nomine

cælestis sphæræ scrutatrix Astronomia :

aurora est ;

(individuo comitatu si unquam alias, nunc potissimū PHÆBES sequax)

sed ea quæ Musis amica .

Et quæ immensitatem mentis Tuæ non explevit eruditio

ILLUSTRISIME DOMINE ?

Orbis Polonus ab ore Tuo pendere videtur,

quem aureo svaveloquentiæ Tuæ nexu tenes suspensum.

Vnde siye solutam altiori incedere jubeas cothurno faciūdiā;

stupet civilem dicendi maiestatem Curia;

siye metricis ligatam pedibus reptare cogas,

ubiq; plausus, ubiq; comitatur admiratio:

Vt fabulosum quondā Pòetarū cōmentū

Phæbum Cynthiæ fratrem cōminiscētiū

verissima deinceps futura historia sit.

Aristoteles dominam, & primā sui motricē agnoscit Eurippi

Gentilem Tuam HE C A T E N ,

Quoties hæc ad objectum scientificæ impalluit paginæ ;

tòties Peripatheticus Meander uberiori intumuit cataclysmo.

Et Archimedes suas Te edocuit figuras,
quas felicius in Martis arena efformares,
quàm ille in Siracusano pulvere.

Adeoq; Magistra scientiarum Mathesis omnibus Te numeris fecit absolutum.

Magni mensuram nominis exæquare;
omnes orbis angulos sui famam explere,
melior te docuit Geometria.

Gratum enimvero id universo orbi Polono,
& plausum vel eo potissimum nomine meruit,
quòd hanc ingenij Tui culturam Patrio acceptam feras vomeri,
non alibi quæsito ligoni.

Iagielonia universitas ad eam ubertatem animum Tuum excoluit,
felici vel in primo aditu omine,
facile abstrusos difficultatum enodandi nexu,
quòd penes Regium Iagielonis scirpum frustra nodum quæsieris.

Documentum ab exemplo Tuo capiet posthuma ætas,
malè cuivis corpori extraneos cohærere animos,
quòd ab artifice natura non illi aptata spiritui organa
dissonam plerumq; morum efficiant harmoniam.

Sit fanè

quod à nativo evulsa solo planta altricem aliam non respuat humum,
at infrequens id fortunæ donum est;
cæcâ tamen hæc manu ductrice posse quempiam extra periculum uti:
id verò vix credendum.

Sed angustius jam erat quod tanto applauderet actori theatrum
Polonia.

Quare nè unum Tibi circumscribendo sufficere videretur regnum
melior Macedo ILLVSTRISIME DOMINE
alias in admirationem tui rapiendas terras adisti.

Coelum mutasti:

quòd ingenio tuo eam convenire crederes intelligentiâ
quæ ex Philosophorum placito suum coelum motrice agit imperio.

Et Germania quidem
non degenerem Polonæ alitis pullum.

Hospi.

hospitali Augustæ aquilæ suæ excepit nido;
jam tum solem intueri perosæ,
ubi primum ad Illustrissimum LVNÆ TVÆ jubar
avidam lucis poterat detorquere pupillam.

Chloris Gallica

suum tibi testatura candorem

Pleno sinu fragrantia tanto hospiti obviam effudit Lilia:

Nisi fortè nativis se exspoliare voluerit decoribus,
quò liberiori sinu Te excipere posset.

Solennia Patriæ vota impleturus,
id est ex professo Gradivi sequax futurus,
tyrocinium hic bellandi posuisti,

Victoriosissimo Nomini Christianissimi Regis Ludovici auctorat,
quò jam inde eludere vices alternantis fortunæ
heroicâ virtute scires.

Nec indecorum id certè,

ibi rudimenta bellatricis ponere scientiæ,

Vbi Mars ipse suas artes ad inusitatam & sibi alias nunquam notam revocatas Regulam,

discere cogitur nec erubescit.

Ita Marte & arte instructissimus,

id est verè Polonus,

amabili Te excepturam amplexu Patriam repetijsti.

Et excepit illa;

quoq; indeficienter Te basiaret bona Mater,

os tibi linguamq; suam relinquere visa,

ut jam Polonâ lingua multi benè,

nemo Te diceret melius.

Audivit & probavit toties in frequentissimo conventu Curia;

ubi patuit,

quàm pectus haberes liberum

non proferendæ tantummodò voci

sed sentiendi quæ velles; quæ seties eloquendi,

adeoq; Te ad publica Regni Comitia Nuntium:

novorum bajulum critica etiam conviciari nequijt censura,

superante invidiam intemēratā animi Tui integritate,
suspexit verò antiquarum propugnatorem legum acerrimum;
nè antiquarentur, pro virili annitentem.

Deputatus ad Tribunal Regni Judex,
ita Divæ Themidis tractare noveras bilancem,
ut si in quampiam partem aut invidia,
aut iniqua prægravaret dissimulatio,
nsuum Tuorum & verborum pondus eam ad justam mensuram
exæquaret.

Siluit in sacrationi hoc Areopago,
sive auro tinniens
& malè corruptam præfocans vocem Echo,
sive blandior Siren illice aures demulcens lenocinio,
personarum inquam acceptatrix conniventia:

ubi Tu cautior Vlysses,
si non ceras obturandis auribus,
sed eloquij mella funderes
dulcorandis æqui honestiq; legibus.

Et quidni generosas mentes
aut consilio aut eloquio in rectum animares sensū?
si & effera barbarorum pectora.

in tuum velle & sentire flexaminā incitares facundiā

Cessit inglorius Mars Othomanicus
è Zorawnensi arena,
ubi eum ex commissione Serenissimi Regnantis
non minor Tu Pericle attonuisses,
Extimuit orientis fulmen,
quia non laureatus,
cum Barbara decerpendam manu,
Sarmatia non ferat laurum.

Non magis duos Soles,
quàm geminas uno cœlo non ferente Lunas
excedere ab indebita sibi ecliptica,

Othomanidum debuit Hecate.

Eadem

Eadem Tibi & in Hungaria ad Strigonium æmula;
pari successu & proprio excedere coacta cœlo.

Fabulosam Amphioni non invidetis gloriam,
ad suaviorē lyræ concentū mœnia Trojæ construētī
Vbi Tu extra fabulam disertæ vocis modulamine
inaccessas Strigonij rupes cogis in obsequium.

Optabili certè triumpho,
quòd valido ariete obstantia murorum effringere claustra;
aut è voto Philippi Macedonis,
aureo asello ignaviam hostilibus mœnijs invehere.

Bruta, quia à belluis victoria,
at verò indomitas mentes ratione subigere
hæc propriè victorem hominem decent trophæa.

Evocaret hîc in paginam venerabunda lucubratio,
sive privilegio MORSZTYNII sanguinis,
sive politioris literaturæ omnisciâ eruditione
ingentes animas,

FELICEM MORSZTYN Vice Præfectū stabuli M.D.L.

Angliæ, Daniæ, Sueciæ,
ab obitis ad suos Principes legationibus
notissimum,

ANDREAM MORSZTYN Supremum Regni Thesaurarium,
extremis etiam orbis angulis

nomen non ignotum,
& sexcentos alios,
quibus vel numerando recensendis,
impar non sufficeret eloquentia;
nisi quæ illos dispersa beatos effecêre,

Tu collecta teneres,
& proinde in Te uno
compediatum tot heroum,
adoraret syllabum.

O D E I.

Applaudo votis: vix tenerum suis
 Evolvit olim Te Tua fascys
 Lucina, suscepere Musæ,
 Castalijs & eburna primum
 Mersere lymphis membra; dein super
 Molli reclinem margine, liliis
 Rosiq; contexere; dulci
 Calliope cecenisse demum
 Sic ore fertur: pusio pusio
 Quiesce, magni Pusio nominis
 Quiesce, venturasq; somno
 Ante-veni leviores curas.
 O! quantus olim, cum prope puberes
 Attingis annos; quantus! ab arduo
 Acer-vus impendet laborum
 Pieriæ Tibi colle Cyrrhæ.
 Tu doctioris plurimus otij
 Et eruditæ laudis amantior
 Pallebis ad Cleanthis ignem,
 Per-vigiles superando lunas.
 Hinc & Poloni climatis audies
 Traxisse doctâ corda Quiritium
 Renatus Alcides catenâ
 E roseis subeunte labris.
 Tu Tu ipse pulchri Tullius eloqui
 In Lechicorum concilio Patrum
 Dicêris; aut di-via ab ejus
 Exu-vijs recinere Phœnix.
 Vel qui tot urbes, regnaq; tot sui
 In jura Pyrrhi traxit amabilis
 Nitore vocis, vel Pericles
 Fulmineo memorandus ore.
 Hæc è novenis una sororibus,
 Bene ominato carmine dum canit;
 Apollo Parnassuq; totis
 Aggemuit cum Helycone sylvis.
 Et jam Polonæ sua-veloquentiæ
 Tu primus audis Tullius & Pater!
 Regnantis hos in Te decores
 Munifica cumulante dextrâ.

ELOGIUM SECUNDUM Rubicunda flat.

INTER BELLORVM ÆSTVS.

Habet vultus suum theatrum ;
in quo proscenia effingit actor animus.
Qui nimium rudis esset si in eumentita persona
veram retexeret historiam, sine mixtura commenti.
Comædia animorum ornatum desumit à fuco,
quo si non miniatur, in scena depreredit applausum.

Verum

Non est ad decoris gloriam actori animo
si ad ingenium personæ se se non efformat.
Mutanda sunt faciei proscenia ad histrionis temporis vicissitudines.
Et MORSZTYNIAE LVNÆ non vultus unus.
Vbi in plenum excrescit conspectum hic poloni Coeli oculus,
est famæ orbis & honorariæ felicitatis rota ;
Ubi in hemicyclum desinit,
cornua iu arcum flectit, radios in tela fundit
se pharetrâ, se se jaculo, sese utitur arcu.
MORSZTYNIA LVNA cunctas bellorum possidet artes ;
sic tamen variata suum solem non deserit vnquam.
Et quia in Gentilitia MORSZTYNIORVM Cynthia
non unus vultus nec color unus :
Infecerat illam pallor exesis in patriam curis.
Sed né hostem videretur expallescere ;
irâ Gradivi incalescens eum imbibit ruborem ;
quem hostilis affudit cruor.
Ad tantum ergo bellantis MORSZTYNIORŪ LVNÆ incendiū,
etiam stylus in prælia contra hostis ferociam æstuat.

Videlicet

Sunt suæ eruditus calamus indeficientes
contra barbarum iræ ;
qui inimico ebræ tabo in hostilem desæviunt perfidiam :
Nunquam eos erigit pagina,
quos fortes viri straverè in arena martiali,
Nec papyrus mollior damnat flammæ

C

gaudet

gaudet si nives hostico tinguntur cruore,

Hostis hic sit miser,

si in acie ense transfossus

iterum stylus in membranis contrucidat.

Caliganti pennæ prodit hostem,

MORSZTYNIANUM LUMEN

Quem præliaris Anima, Martium pectus

ILLUSTRIS. D. STANISLAUS MORSZTYN

in acie stravit, de mænibus eiecit, in vrbe interemit.

Et quia tot annorum cumulis, ita bellis & prælijs adhæres,

ut non prius sis depositurus galeam, quam vitam,

prius videris miles, quam infans natus.

Nobiles ortus non tam vitam ex suis genitoribus,

quam ausum ingentium animorum trahunt;

Et materno ex cubere non tam lac,

quam spiritum exsugunt generosum.

Non nutrit, sed necat de se spes avis atavisq; illustris Infans,

quem niveis super cunis ligustrorum reclinem,

pulcher honos, croceusq; Phoebus perfudit imbri:

quem roseus pudor, virtusq; non populariter nascentem

risere, & supinis lilia imposuere membris.

Ille demum in promontorium bonæ spe evocatur,

quem rigidis super, dum pænè primos fundit anhelitus,

cunis sagittarum reclinem,

Martis amor solidisq; Pallas,

infudit armis.

Non bene Gradivo lenonia dextera servit.

Emasculata anima, albicantesq; cyparissi de gente nepotes,

mollibus cubant culcitris non indoles nata ad Martem.

Et Te **ILLVSTRISSE DOMINE**

in cunis hæres bellatorum gloria invasit,

& in medijs posuit cunabula telis.

Impavidus ferri, nec triste galeæ fulgur metuens:

reptasti per scuta puer.

Is demum appares, a quo sagittarius Scythia interitum,

Patria tutamen expectaret.

Diem serenum occasus non aurora commedat.

ubertatem frugum maturum granum non tener flos perſuadet.

Hic

Hic tamen Martialis Tuæ gloriæ segetem
ab infantia diluculo auspicamur.

*Generosam quippe indolem non bene annorum numerus definit:
à virtute illa adultoq; animo suffragium desumit.*

*Ut enim in eminentioribus collium gibbis palmites,
ita animos Heroum spiritus præ alijs citius maturescunt.*

Adolescentis Martis tyrocinia lilijs consecrando,
corum veteranos Tuis heroicis ausis
ad ruborem usq; colorasti.

In Patriæ visceribus Tibi hostilis Bellona ad manum non fuit;
postliminio inquirenda erat,

& armorum Tuorum fulgoribus in aciem evocanda:

né nova victoriarum & gloriæ deesset materies.

Non solum Tibi dulce & decorum, pro patria occumbere;
verum & pro exotica maiestate peramabile.

Né duntaxat unius Coeli commodis natus videaris

*Augusta enim indoles nō in plures diffundatur usus,
fit angusta.*

Ad plura decora enutritus animus

uno præclare non exsatiatur facto.

Qui gloriosus orbem implet gestis, patrio non potest arttari limite:

Ut non formosa sed formidolosa ostentares arma,
non lilijs nec exoticis lapidibus præliaria insculpebas gesta,
sed hostium cervicibus.

Bratteatus Mars scenam in Bellonæ theatro agit, non militem:

Is enim non vincere hostem intendit, sed terrere:

quasi vibrata oculorum acies victoriam parturiat;

& non bellatrix dextera suiq; periculis animus succrescens.

Non auro neq; tinnulis pugnandum phaleris,

ubi ferro res eget & manu & magnis animis.

Pictus pharetræ timor non debellat hostem,

*nec levis in casside plumarum superbia hostilem
tumorem deprimit.*

Cristæ virum non faciunt, nec suis corallijs arguta colla

sed incompti vultus ferocia,

& genæ, quas cicatricosa adornant vulnera.

Ab exotico ergo redux sole in Patriam,
non tam in illius arva, quam arma descendisti.

E peregrino solo alij semper aliquid peregrini adferendo
seipfos ibidem relinqvunt;

Tu patriæ Te eundem in hoc non reddidisti
quod cumulator gloria rediëris.

Verum & hîc te feriari seges ferri non permittit :

eo tempore in Moschum strinxisti ensem,
quo & ignavia nollet vincere, & magnanimitas desperaret.
Cudnovienses tamen campi non sine miraculi stupore extitêre,
quod ille Moscuæ Bucephalus iubam iugo misit,

nesciens insolescere sub fræno Alexandri Sarmatici;

illos Boreæ canos ad ruborem ita confudisti

vt suis frigidior nivibus extiterit,

hanc concipiendò flammam quam conscientia imbecillitatis accêdere

Illa Æolia tantam Cosacorum in campos Cudnovienses
effuderat tempestatem;

Vt contra armatam hyemem & inclementiam Coeli
præliari videreris.

Iurata & irata in gentem nostram Moscuæ odia
quemq; inflammabant ad enses, præcipitabant ad cædes,
unicuiq; atrox furor tela ministrabat :

Lætè subibant lethum, dummodò

Poloniæ involuerentur ruinâ,

Mirum illas nives tanto belli potuisse ardere igne,
tantis glaciem non dissolvi flammis.

Hos motos Æoliæ turbines

non plus æstimâsti quàm ventorum minas;

qui post exertam violentiam desinunt in aerem quietum.

Sed hæ victoriæ rudimenta tibi fuerant

quæ alijs præliando finem constituerent.

Et né vno modo victoriosus videaris,

secunda adverso tamen Marte inis prælia.

Ferro tuo adhuc primis victorijs calente,

iterum se cædendus sub Chocim offert hostis.

Sed cum hic lento aggrediebaris ense,

vt diutius asservares ad necem.

Intra fortunæ blandientu gratiam reponit barbarus, si citò perit.

Festinus ictus levis est, perniciosior si eum segnis incidit dextera.

Altera mors est hosti, diu expectare mortem;

citòq; vindex in ceruice non sentire ferrum.

Non

Non diu tenuit sua fræna calor ;
 Eccur cadaver quod pavor suus exanimaverat,
 ad ulteriora protraheres funera & fata ?
 Assurgis ingentibus ausibus in hostem,
 qui solum in Te vocẽ elevat, quia ensẽ non potest ;
 equos calcaribus incitat quia ipse torpuit
 vel eò agonizantem crede, quia sic torpuit
 Ultimus hic morientium conatus ac truces minæ
 non plus faciendæ quàm anguium,
 qui lecto corpore caudâ demum ferociunt.
Sed quia medios triumphos secat vincendi securitas,
 Nec tu evitaſti periculum ;
 qui repetis pugnas, vt corrigas virtutem.
Nec error nec casus dat victoriam, sed audax animus :
 ideò impetum facit, ut ruat.
Plus semper sperare victus potest, minus victor.
post de-victa prælia bene iterum acriter dimicatur ;
repetitis ictibus allisum caput erigitur,
nec semper procumbit ad pedes victoris.
 Assurgit in hostem à suis major damnis & occasu,
 verum nec hîc Tu sine vulnere, nec hostis.
 Notavit te hâc cicatrice barbarus à quo jugulum suum
 perniciem expectaret.
 Videlicet docuisti etiam vulneribus sua non deesse vulnera,
 cùm te illis opponis.
 In dispendium vitam Tuam non das, sed proijcis :
 nè prius tibi pericula quàm tu illis deesse videaris ;
 reliquisti documentum.
In causa patriæ defendendæ vitam posuisse militi,
esse summum decus.
 Virtus tecum nata, quid moliri non ardet ?
 Assiduus campis aderas, rarissimus urbi,
 vixq; salutatis laribus, vix conjuge visâ,
 deterſo necdum repetebas sanguine campos.
 Videlicet semel gloriæ gustu ebrius animus sèper fervet in præliũ.
 Iterum te ad militaris gloriæ messem Parkan evocat,
 ubi non parcus sanguinis, totum in Patriæ decorem dispensaſti.

Non paucitas Tuorum ab ineundo dissuadebat prælio;

Spreuisti militem metiendum virtute, non numero.

Illius robora æstimanda, non numeranda.

Sat est grandis exercitus, qui numerum viribus exæquat.

Robusta manus, non nomina multa bellant;

Et vis præliandi hominibus inest, non nominibus

Is tantum ad bellum gerendum numerum requirat,

qui fortes viros à castris excludit.

Nomina tantum virorum, non viros, in hoste reperisti

ILLVSTRISSE DOMINE

qui ideò campo copiosior effusus,

vt tuis armis ejus numerum diminueres.

In hac pugnantium acie, militem non ducem egisti,
non dignitate, sed bellica virtute, cæteris supereminens.

Adorare hîc tuam virtutem suâ ruinâ hostis debuit;

quam oderat.

Et quia in ense salutē nō inuenit, in fuga eā quæsiuit,

cū armis animum pugnandi abjecit;

deferendo campū, Tibi gloriosam reliquit victoriā.

In expugnando fortalitio inexpugnabiliis.

Benè profectò per se Strigonium stetit,

vbi Tauricanus per te cecidit ingloriè.

Confluxerat ad hanc urbem feralia tractaturus mercimonia,

ut tu ea persolveres gladio.

Optimas civitati fecisti nundinas,

in quibus cives mercati sunt vitam, hostis mortem.

Solus sufficiens inventus es,

qui ad hanc urbem confluenti inimico,

pro perfidia, a longo tempore contracta exolveres debita.

Invenisti ad Danubium venam victoriarum:

quia in illas semper erectum gerebas animum, & ensen.

Ad delendam perfidiā cū copiosè fusus sanguis non sufficeret;

toto eam voluisti ablucere Danubio.

Parum existimasti, rectè factorum tuorum in solido

vestigia impressisse, in lubrico etiam relinquis non obliteranda.

Né

Né solum arva splendida tua pererraret victoria,
eâdem & latè patentis Danubij ostia implêsti.
Triumphorum tuorû splendorê campi nequîerunt,
eundem in flumina derivasti.

Fortunatiorem Te Timotheo ! ubi non jam
somniaſti fortuna, sed pugnanti,
velut in retia, in gladios impellebat
hostilem feritatem.

Benè in hoc Martis balneo venas adaperuisti;
è quibus Tibi gloriam, Patriæ securitatem educeres,
optimus Civium Conservator.

Et né aliqua terris superesset labes.
naufragium in proprio tabo hostilibus dedisti catervis.

A Martijs LVNA Coloribus
Christianus & FRANCISCVS MORSZTYN
non degeneres,

ut bis effêti magni, in titulos majorum excreverunt.

Et clypeis & mole pares, stat castis utrisq;

Sydereis hirsuta jubis loricaq; cursu

Æstuat, & largo satiâtur vulnere cornu.

Magnis eos Bellona alit trophæis;
cujus nutrimentum in eam hæc nomina

producet augem,

ut majoribus, præliorû passu deveniât in maximos.

Ac proinde ILLVSTRISS: DOMINE

eo itinere in purpuram processisti,

quò nonnisi magni & in sæculorum historiam
ituri gradiuntur.

Scilicet

RVBEO GENTILIÆ TVÆ LVNÆ COLORE

ELO.

O D E II.

Discenda cutes metra volantibus
 Inscribo chartis: Quælibet eximit
 Nos fama Fatorum procellæ,
 Magnanimis fociata factis.
 Sed ad supremæ culmina gloriæ
 Non una ducit semita, scilicet;
 Hic per librorum tædiosos
 Grande decus meruit labores;
 Ille erudito iunctus Apollini,
 Metit virentes carmine laureas;
 Hunc astra scrutantem æviterne
 Vranie redimit coronis;
 Sed qui cruento cinctus acinace,
 Victrice laurus colligit ægide
 Et hoste devicto Paterna
 Emeritis veteranus arva
 Tuetur armis, eminent altius,
 Summoq; primos in Capitolio
 Meretur lucrari colossos,
 Perpetuæ monumenta laudis!
 Quis tincta multo sanguine nesciat?
 Morstinianæ prælia dextræ
 Tuasq; STANISLAE lauros
 Innumeris meritis triumphis?
 En quot Poloni limes agri Tyras!
 Quasi cruentis decolor imbribus
 Evolvit acer vos Dacorum
 Quos rapido Tua dextra quondam
 Detrusit amni; quot Tibi Thracijs
 Surgit trophæus Odryso prope
 Vienna iam subacta Marte,
 Et Geticis minor Ister armis!
 Te pro recepto Strigonio canent
 Emancipati Pannonis oppida,
 Patresq; grandævæq; Matres
 Scire suos cupient Nepotes:
 Post pulsa sævi Bistonis agmina,
 Per MORSTIANAS Strigonium manus
 Murosq; sublimes redisse
 In Lechici nova jura Regis.

ELO-

ELOGIUM TERTIUM.

Alba Serenat.

IN CANDIDATIS AD HONORES MORSZTYNII

Bene habete ô Sarmatæ!

Novâ Syderum prole Coelum sobolescit.
Ex quò in terris Illustris efflorescere cœpit LVNA MORSZTYNIANA,
polo Lunam nè inuide Polonia.

Et hæc Solis Soror est, nisi potius Parens credi deberet,

Quæ ILLVSTRISSIMOS Viros genuit.

Erras Astrologe, cladem ab hoc Astro divinando!

Romanæ nobilitatis insigne quò à plebe secerneretur Luna fuit;
idem nunc nobilitatis signum nobiliores Suis ingenerat spiritus.

Proinde,

Optimè Tibi ILLVSTRISSE DOMINE

Non lampada sed Astra tradiderunt maiores, præfagi videlicet;
quòd à Te Domûs Vestræ Fortuna implenda esset.

Crescens scilicet relinquenda Tibi erat Luna,

ut in plenum Orbem cum tandem per Te creverit,
reliquam non decrescere posteritatem æmulâ virtute docuisses!

Alienæ quippe culmen gloriæ, propriæ stimulus probitati.

Magni præeuntium ad honorem passus, vestigia sunt subsequantium.

Vnius Felicitas; acus Magnetica est alterius;

quem nunquam quiescere permittit, donec suum inveniat Austrum.

Ergo ejusmodi cynocephali

Sapient hujus LVNÆ ingenio,

quæ multorum capitem fatura cerebro,

erraticorum Syderum tenere nequit commercium.

Respiciant similes talpæ ad ejus lumina, quocunq; se illa intulerit;
coelum secum inferat, vel reperiat.

non ego tetricas

Parvebo noctes: Tu serenas

Luna dies dabis inter umbras.

Prodigium censeris dices:

Perenne ei crescendi studium, nunquam decrescendi.

Omnem ferè exclusit Lunæ levitatem, nisi quòd in hoc suam non teneat

constantiam, dum vno splendore non contenta
etiam à maximis ad ea procedit, quæ maximis maiora sunt.

Habet id longè felicius coelesti,
quòd citra defectionis periculum lucet perenniter,
nec timet deliquium, quam virtutis vigor nunquam destituit.

Ad ejus auspicata incrementa, quoties animi
Patriæ accreuerunt, toties hostibus decreverunt.

Ipsa etiam turget pagina
tam nobili dotata propagine, illustriorem quoq;
seipsam fatetur, ejus lumine irradiata.

Ea certè ILLVSTRISIME DOMINE
LVNÆ Tuæ proprietas, ut sitientibus flumina dicēdi infundat Oratoribus;
talis Majestatis fulgor, ut Regina animorum
Eloquentia decorem ab eo mutuetur.

Multorum ingenia in cursu gloriæ cessare oporteret,
priusquam aliquid de Te inciperent.

Multi seipsos in Tuarum immensitate laudum deperderent,
nisi tutissimam lucis tantæ semitam investigarent.

Incerebrari magis sibi videntur, qui immortalis Tuæ virtutis succum,
encomiasticum per calamum in chartam eliquant.

Tantus namq; eras vix esse in luce coepisti,
ut altitudinem animi sublimia quantumvis ingenia attingere
haud posuissent, nisi virtute agentis Tui Planetæ excelsius
elevata id sibi præstitum gratularentur. Sed

Neq; magnitudinem Indolis vel Geometricis commensurassent lineis,
immensâ ejusdem Planetæ circumferentiâ destitutæ.

*Generosis mentibus flammæ acti-vitas, ubi concipitur, in altum agit;
mox in cælum librata, nullo remigio adæquanda est.*

Ad fulguris morem se componunt:

*erumpit hoc cum aditu, si non terrore omnium,
utq; illud deprehendas ubi audisti, invenies neminem.*

*Sphæra est magna Indoles, undequaq; ostendens medium,
quâ parte incipiat aut desinat, cui manifestum?*

Primo Naturæ passu

In eo non vulgaris conditionis stetisti fastigio,
ex quo totum gloriæ jubar, & cuncta Fortunæ bona
commodè spestasti, & expectasti.

Qui alijs ultimus, Tibi in ipso vitæ limine primus vivēdi gradus obtigit;
seq; viam ad honores præbuit, ubi metam pluribus.

Ita

Jta beato agnati SYDERIS influxu
in Magni sanguinis Tui Pelagus influxisti,
ut plùs ei affudisse videaris, quàm inde hausisti.
Noluisti Majores Tuos ita in Tuam laborasse gloriã, ut non eis
velut præmium paria facinora & actus æmulos redderes.

Etiam illos ornas, à quibus ornatus es,
quorum antiqua magnanimitatis & Fortitudinis prodigia,
gloriosa concertatione, pluribus collectis in Te unum
actibus provocas, nec casu vel sorte triumphas.

Tūc sanè ostēdisti scatebrā posse mutari in Oceanū,
cum Te ejusdem sanguinis profunditas guttā sui
accipiendo, Abyssum decorum scrutaretur.

Sæpe fit experiri incendium, quam putabamus scintillam.

Radium etiam vertit in Solem Illustris ortus luminare.

Adeò ILLVSTRISIME DOMINE

Familiæ Lumina virtutum luce gemināsti;

Vt, si natalium splendorem non invenisses, effecisses!

Ne aliquid fastis deberes, factis omnia promeruisti; non nescius.

Parum prodesse Illustrē ortum, quem umbratica vita infamat.

Nec cænosum laticem à perspicaci fontis claritudine commendari:

Non solis majoribus, verum moribus etiam splendide censerī gloriosum!

Procul es positus ab illis,

Qui eo solo sunt apud secuturā ætatem memorandi,
quod nihil memoriā dignum gessissent.

Quid autem in Te obscurum? quid in glorium? qui ex amplissimo Tuæ
Originis Patrimonio nihil magis possedisti, quàm virtutes.

Quare crescere tantum debebas,
quantum vegeta virtus ad nominis amplitudinē præbuit alimēti.

Et verò ita hucusq; crescis per Honores,
ut majora Honori addas incrementa; dubiumq; facias

Se nec Tibi, an Te sibi Honor gratuletur.

Alijs nempè nobilitas generis, sunt veluti pedes, quibus
ad sacram Fortunæ aram peregrinantur; Tibi in comitatu
meritorum, auxiliatur integritas,

Maluisti semper arduo tramite,

Lancā Romanis relictā viā

ad quosvis eluctari apices, Tuo doctus judicio:

Meliùs

*Meliùs stare ad ferri grandinem militem in acie,
qui ad pruinas & imbrem obduruìt in campo.*

*Securiorem quemq; de laurea, quam
sibi infregit non alterius*

manu porrectam ultrò acceptavit.

Unicum tantùm statorem in Capitolio Iovem destinasti

ad aras, reliquos statores ipse cum sis Celerinus,

ad focos damnavisti.

Sic in solo ad præclara cursu quiescis,

& stare, nisi in motu ad ampliora

generosus sanguis Tuus semel incitatus ignorat!

Iure Te Familia Tua Heredem cæli fecit,

qui Gentilitij Stemmatis indolem

in Te derivasti :

cum à Sarmatico S O L E

lucem in collatis Honoribus usurpes,

VEXILLIFER ZATORIENSIS primò **creatus,**

rectè bellicum signum alijs præferre visus es;

Qui toties signum Bonæ spei

Patriæ extulisti;

Iam verò, quis Te non videat

plùs cæteris astris ab hoc S O L E accepisse?

ubi modò **ILLVSTRISSIMVM**

supplex adorat calamus.

Et licet vel absq; Purpura, Purpurati nomen merueras,

suffragio effusi pro Patria sanguinis;

nunc tamen meritò Senatorio

rubescis murice, qui nihil erubescendum,

in Bellonæ oculis, aut Regni in facie unquàm admisisti!

Hæc est non illicita Purpuræ ambitio,

ut eos solùm ambiat humeros,

qui suo vel hostili profuso sanguine

sagum sibi purpurarunt.

Non omnium tabernas Honor in-volat,

Regia hæc volucrus vel in proceris

consanguinitatum nidificat Arboribus,

vel ad Martij, pectoris commoratur Marpesias.

Tacent jam

veritatis commentatores; magnam Deorum Matrem

Lunæ accommodam vestem aptare non posse,

dum Tuam accipiunt,

cui

cui major Mater Polonia quamcūq;
obtulit, non indecorè eam semper induit.

Æquè ista LVCINA
in Toga luxit Patriæ,
Æquè hæc P RO SERPINA
in fago fata hostibus direxit.

An ergo inmeritò Tibi Oratorios evolvimus orbes?
quem super Senatoriæ curulis rosas, Regius
Honor & Tua virtus locavit:

Meritò exarandis Tuis coloribus obsequentem
trahis dextram; qui omnium in Te civium
amorem convertisti.

Non indebitè ab eloquentia requiris præconiā,
qui per hostium vulnera celebrandis Tuis laudibus, ora
aperuisti. Ita est:

*Meliùs apparent in triumphi die,
qui bellorum noctem exegerunt.*

*Nemo potest perdere operam & oleum, si pacem quærendo:
oleam invenit.*

Ferat exultans palmam, quam quis suis accepit palmis.

*Altiores alijs conscendunt sellas,
quibus bellatorem equum, dum tuba vocat
ascendere non molestum.*

Sedent in Curia primi, ultimi asperso ex cædibus campo redeuntes:

Quid tamen novos Tibi gratulemur honores,
Qui apud Te hereditariâ in domo Honorû genitû, novitatis nomē misit

Satis adultam oportet esse, imò
in sinu gloriæ senio confectam Famam Vestram,
quæ ab ipsis usq; Fortunatissimis Insulis
per latè porrecta marium spacia
ad istas terras advigâsse probatur;

Dum in illis Aquaticæ militiæ Ducibus nimirum:

Avis tuis ARCISZEWSKIIS

à VLADISLAVO IV.

Rege Poloniarum, in Poloniam evocatis,
ab Orbe nostro salutaretur.

Primo illi; Alter

Apud Daniæ Regem, alter apud Hollandos
Antesignani, demùm per IAGIELONIUM
manipulum adunati, in Reipub. Polonæ
corpus còaluerunt.

Luxit subito Othomanica Luna, vix **MORSZTYNIANA**
In hoc Zodiaco eluxit.

Fatali illius cornu petita, inducias rogavit.

Certè à tanto Principe quælitæ Herodès
nihil vulgare, nihil commune aliorum vitæ adferre poterant;
Opobalsamum redolent, quos Phœnix frutices portat.

*Aurum est quidquid à Mida, Rosa, quod
calcatur à Perseæ.*

Uniones parit Oceanus, ranas fovent paludes.

Vivebant illi magnetica plenè vi,
ferri tantum chalybisq; avari,
ubi ad Polonum Septemptrionem spiritus converterunt.

Sola tantum sanguinis diluvia ad
temperandos ardores exoptabant,
ita ardebant in Poloniam amore.

Exhorruit sensitq; hostis eorum dexteræ, tot prælijs

exercitas: Fulmina Lechia credidit,
pernici celeritate

in tuendo res bellaq; conficientes.

Pedibus alij in possessionem, perennis memoriæ eunt;
illi manibus & armis.

Non per scalas ad immortalis Capitolium nominis,
sed per dejecta hostium capita ascenderunt.

Quantam exinde ab eodem

IACELLONVM manipulo gloriæ messem
collegerunt, documento nobis

tot exaggerati

in æviterna posteritate felicitatis honorumq; acervi.

Idco quippe magnæ istæ animæ, illa

venalia posthumæ Famæ pectora

provocabant enses, ut

fui sanguinis purpurâ adornâssent suos:

Adeoq; istæ binæ Bases

Vobis posteris

intra domesticos Penates ædem honoris erexerunt

ut non hospitem tantum; sed nobilem

Domus Vestræ Inquilinum, imò

hereditarium Honorem haberetis.

Et

Et né tantæ molis Fabrica
alicui rerum subijceretur vicissitudini

(*Siquidem nihil tam firmum aut stabile est cui non imminet
aliquando periculum etiam ab invalido*)

Ideo bene hæc magnificentia ædium conservari potuit
postquã **ARCIECHOVIANA** Domus
MORSZTYNIAN Æsociata est.

Tu namq; **ILLVSTRISIME DOMINE**
ARCIECHOVIA Matre progenitus
quid aliud Tibi ominari velis? præter id:

Nunquam Te humilibus tenuis fortis
inhæsurum casis; sed turritis
magnanimitatis arcibus muniendum.

Meminit adhuc Patria;

Cum in Gallijs, Gallici planè Hercules
è nostra Polonia **MORSZTYNII**

Regum internuntij

aureis oris suis catenis totam revinxere **Galliam**
& inter ejus Lilia, Oratores
planè florentissimi, herbam
sibi porrectam accepere.

Sed & hodie adest hujusmodi Roscius
SEVERINVS MORSZTYNIVS

Qui apud Principem Brandenburgicum
scitè utramq; suam & Principis circumfert dignitatem:

Nempe

Secretarium statûs Brandenburgici agens.

Magna ista sunt;

Majora tamen Tu **ILLVSTRISIME CASTELLANE**
in Te derivâsti, ut etiam Oratorijs Hiperbolis,
Tuis gestis fidem facias.

Quorum grandem syllabum si texere vellem,
nec Arachnes filum, par ei texendo judicarem.
Hos Domûs **MORSZTYNIANÆ** Splendores
postquàm omnes Tu unus expressisti,

Dignus es: ut

Inter continuas successuum, & Felicitatum Serenitates.

Serus ad vesperum vitæ abeas.

O D E III.

EXcedat emptis quisquis honoribus,
Ad altioris stemmata culminis
Prorepit, & summas curules
Aurifero licitatur amni.

Odit pudendæ mercede pecuniæ
Missisq; turpi muneribus manu
Honor parari; promptus emi
Vel meritis, vel amante magnas

Virtute mentes; ut vebat aureo
Ad alta honorum te tua gurgite
Fortuna, ridendum sub ipso
Naufragium patiere portus;

Inter tumentes nî meritis grævem
Virtus carinam dirigat Africos,
Seu Typhus eligat vocari
Seu melior Palinurus ipsis

Amatus astris. Prima sit hæc satis
MORSTINIANI gloria sanguinis:

Virtute bellicâq; laude
Promeritos tenuisse fasces.

Quis ille? cunctis laudibus altior
Æquum coruscis sideribus caput
Infert, secuturosq; primus

Prægreditur titulis nepotes.

Agnosco frontem, nosco micantium
Fulgur genarum; quàm! similis Tui
Invicte STANISLAE vultus,

Cum timidos agitare præ Te

Es visus hostes. Sic Tuus igneis
Avus petitos fulminibus Dacas
Virtute pellebat decorâ,

E patrijs Iovis alter oris,
Neptunus alter, cærule Baltici
Sortitus olim littora Nerei.

Quis regna regnantumq; vates

Enumeret genus omne di-vûm?

Tu meta vatam, Czerna cui suas
Submittit arces. Cresce faventibus
Fatis Polonis, antequam inter

Sidereos numerêre Di-vuos.



11.11.19.

